

-خلصت الأسئلة اللي عارفها أرجع تاني للأسئلة اللي ما جاوبتهاش وابتدي بالأسهل وهكذا

-راجع اجاباتك كويس جدا وما تستعجلش " انا دايمما باستعجل " و طبعا الزم الاستغفار ، وخليك دايمما فاكرا انك ممكن تعيد الامتحان 100 مره ، يعني حتى لو كل يوم تدخل الامتحان ما حدش ح يقول لك حاجه ومش ح تخسر غير رسوم الامتحان

-خلصت ؟ توكل على الله وقول بسم الله ، واضغط End Exam أو Submit حسب نوع الامتحان ح يسألك : Are You Sure

اضغط Yes وما تخافش على أسوأ الأحوال ح تدفع رسوم امتحان تاني وتمتحن من جديد لكن أكيد ح تكون في تاني مره اتعلمت من أخطائك في المره دي

-اطول 5 ثواني بتمر عليك وبعدها " ان شاء الله " ح تلاقي طلع على الشاشة Congratulation وانك Pass the Exam

-الف مبروك

ح تستلم ورقة مطبوعه ومختومه بالنتيجه فيها رقمك و نتيجه الامتحان اللي بتحدد انت نقصت في اي جزء من الامتحان " احتفظ بالورقة دي "

وح تلاقي ميل وصل لك في نفس اليوم فيه تفاصيل عن الامتحان وروابط مهمه جدا وممكن يطلبوا منك في الميل ده تأكيد العنوان اللي ح توصل لك عليه الشهادة " احتفظ بالميل ده ضروري "

-لو الشهادة اتأخرت " يعني من 4 ل 5 أسابيع " اشتغل على دماغهم ميلات وما تقلقش هما واخدين على كده ، المهم انك تبعت لهم تشتكي من تأخير الشهادة ح يردوا عليك بميل فيه رقم Ticket خاص بالشكوى بتاعتك " وده ح تتعامل بيه في كل المراسلات الخاصة بالموضوع ده "